

Ukiumut Naunaitkutat talvunga Nunavunmi Qauyihagtit Havakviat – Iqaluktuuttiaq Qauyihagvianit

(Qauyihaiyughat laisiutaat nappaa: 04 064 12N-M)

Titiraqhimayaat S. Kim Juniper

Qauyihaiyilluaq, Taryuliyiyit Kanatami (Ocean Networks Canada),

Ilihaqpaalliviat Victoria-mi, Victoria, British Columbia

Ilitturihimaliqitait 2015-mi Qauyihaitillugit

Taryuliyiyit Kanatami (Ocean Networks Canada (ONC)) aulapkaivaktut immap ataani qauyihavingmik Iqaluktuuttiami September 2012-mit. Immap ataani, qaffiuyut qauyihautit piksaliullu iliuraqhimayut naunaiqhivaktut imarmiutanik, hikup hilingnianik nauyuniklu imarmat talvunga hinaani qauyihagvianit Iqaluktuuttiap tunmiraqvianit. Tumiraqvingmi, hilaliqivik piksaliutulu atatahimayut talvunga hinaani qauyihagvingmut. Naunaitkutat tamangnit qauyihautinit piksaliutinillu turaaqtitauvaktut WIFI-kut qaritauyakkuurutinut talvani Qitirmiuni Aviktuqhimayumi Kavamatkut havakvianit. Napariangat alruyaqtuqtunut talvani kavamatkut havakvianit paqittivaktuq Atauttikut Ilittuqhinitik naunaitkutainik umitjat, hapkuattauq naunaitkutat turaaqtitauvaktut qaritauyakkuurutinut. Tamangnik qauyihagvianit naunaitkutat tuyuqtitaavaktut qilangmi paqittitjutikkut (satellite) talvunga ONC-kut qauyihagvianut talvani Ilihaqpaallivianit Victoria-mi talvani hailiyauhimayut quyaginnanut Qaritauyakkut talvani (www.oceannetworks.ca).

Taamna qauyihagvik ilittuqhittiaqpaktuq qauyihagvianut inungnullu tuhaqtittiniqmut. Ilitturihimaliqitait hivulliqaamit ukiumit aulatillugit takupkaqtitaavaktut qaffinut ilihimayaauttiaqtunik qauyihagtit katimaviinit talvanilu 2013-mi Ukiuqtaqtumi Ilittuqhaiyut Katimavianit Vancouver, BC-mi, talvanilu 2013-mi 2014-milu Kanatami Hilaliqiyit Taryuliyiyillu Ukiuq tamaat Katimavianut, ArcticNet-kut 2013-mi Ukiuq tamaat Qauyihaiyit Katimaviat Halifax, Nova Scotia-mi talvanilu 2014-mi Ukiuqtaqtuq Aallannguqtaqtumi katimavianit Ottawa, Ontario-mi, talvanilu 2015-mi ArcticNet-kut Ukiuq tamaat Qauyihaiyit katimaviat Vancouver, BC-mi. ONC-kut katimapkaihimayut ilihagtititiplutik qauyihainiqmik 2013-mi ArcticNet-kut katimapkaihimagamik talvanilu 2014-mi CMOS-kut katimavianit, ilihagtititiumaplugit qauyihaiyit ilihagtuullu qanuq naunaiqhivagiami Iqaluktuuttiami Qauyihagvianit, qaritauyakkuurutinik atuqhutik hailiyauhimayut talvani Ocean Networks Canada qaritauyakkuurutainit.

2015-mi Hulilukaaqpagaat Iqaluktuuttiami

Hanayit Takupkaqtittiyut – Malruk ONC-kut havaktiit ilauqatauhimayut talvunga Iqaluktuuttiami Hanayit Takupkaqtittiyunut February 2015-mi. Talvuuna havaqatigihimmaaqtitittiyut ilihagvianit Kiilliniq Angayughiit Ilihaqvianit talvanngallu Qulliq Ilihaqvianit (nukaqhiit ilihagvianit) taapkuninnga ONC-kut Ocean Sense (Taryumiutaliqiniqmik) ilihagvianit (<http://www.oceannetworks.ca/learning/ocean-sense>).

Qauyihagvingmik Aiqquiyaiyut – Pingahut havaktit talvanngat Taryuliyiyit Kanatami Iqaluktuuttiamiitpaktut August 15-mit 31-mut, 2015-mi, nutaannguqtiqhugu

nuutitihugulu imaqmiutaq qauyihaqvik, ahiqquiyaqhugu hinaaniittuq hilaliqivik, qunngialuqhutiku qauyihaivaktut imarmiittunik nauyunik.

Qauihaqvingmik ahiqquiyaiyut – ONC-kut qauihaiyit puuvyaqtiit hanayiillu ammiakkurnik ingilrutinut tunngaviinik taapkualu malruk ‘qilangmi paqitjutit’ tungaviat imarmik qauihautilik iqalungniklu atatarutilgit paqittitjutainik tunngaviit nunalitpagait. Tunngaviulluaqtuq himmiqtauyuuq nutaamik, avatiinut-ihuatqiyamik tunngavingmik, ilavaghutiklu amigaitqiyamik qauihautinik, taamnaluuq qilangmi paqitjutit tunngavik (imarmik qauihautilik iqalungniklu atatarutinik paqitjutinik) kiviqaqtitauyut aallammut nuuttugu ataani immap 200 meters-nik itiniqmi uataani tunmiraqvik. Nuutittivaktut taapkuninnga qayangnaqtut imaliqiyit qauihautainik amirnaiyarumaplugit umitjanit qayaqtuqtunillu tunmiraqviup haniani.

Anngutighanik Qauihaiyut – Julie-Anne Dorval, Ilihaqpaalliqtuq Taryuliqiniqmik talvani Ilihaqpaallivianit Quebec-mi Rimouski-mi, havaqatigivagait ONC-kut havaktiit Iqaluktuuttiami qauihaiplutik uumayunik immap natiani hinaani qauihaiviup tunngavianit 2014-mi. ONC-kut puuvyaqtiit huli qunngialuqhutik qauihaivaktut 2015-mi, talvani aajikkutami qauihaivianit aippaangani 200 meter-mik takitigiyyumi itiniqaqtumi 7 meters-mik. Imiqtaqpaktut talvanngat qauihaqtaghanik qayakkut talvani kangiqhungmi kivitagtivianik qauihautit tunngavianik imaalu qauihautiniklu ingilrutinik qarritjivaktut nunallaarmiunut ikayuqtigivagaat qauihaqtut ukiuq tamaat. Taapkua puuvyaqtiit iqqakuqhimayunik ahivaivaktut taryup natianit.

Parnaiyaqtauhimayut 2016-mi Huliyaqhat Iqaluktuuttiami

Qauihaqvingmik Ahiqquiyaiyut – Nunami havaktit utiqtitauinat Iqaluktuuttiamut qitiruppat August 2016-mi. 2016-mi havaqhat parnaiyaqtauhimayut taimaa ahiqquiyainiaqtut immap ataani qauihautainik himmiqtuqlugit ilangi ingilrutit nutaanik, nalaumayunik ahiqquiyaqtauhaanik, paqitjutinik.

Ilihaqvingmi Aulapkaqtaghait – Taapkua ONC-kut Ilihaiyit utiqniaqhimayut Iqaluktuuttiamut hanahimmaarumaplugu taamna Taryumiutaliqiniqmik (Ocean Sense) ilihaitjutighat, havaqatigilugit Kiilliniq Angayughiit Ilihaqviat.

Taryumi uumayunik Qauihaiyut – Taryup natianit uumayunik qauihaiyut havaangit iniqtaungmata, ONC-kut Havakvingnit Qauihaiyi Dr. Akash Sastri parnaiyainiaqtuq qauihautighanik uumayunik Iqaluktuuttiami, katitiriluni naunaitkutanik paqitjutikkut immap ataani qauihautagut. Lucianne Marshall, ilihagtaminik iniqhimaliqtuq Ilihaqpaallivianit Victoria-mi, uumayunik qauihainiaqtuq July-mi August-milu 2016-mi, imiqtaqlutik ilittuqhitighait uumayunik aallatqiingnik aklivaalliqliillu qauihaqlugit niqittiallu taryup natianit. ONC-kut tajja nunallaarmiuni Iqaluktuuttiami ikayuqtighaquiutut qayakkut aullaaqtittiyughat imiqtaqlutiklu qauihaqtaghanik.